



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

4515-4526

281.69
S-16

10000

ՃՆՌՔ

ԸՆԹԵՐՅԵԼԻՔ

ՅԱԻՈՒՐ

ՄԵԳԵՐՉԻ ՏՕՆԵՍԻՄՈՒԹԻԱՆ

ԵՐԱՆԱՀՆՈՐՀ

ՍՐԲՈՑ

ԹԱՐԳՄԱՆՉԱՑ ՀԱՐՅՆ ՄԵՐՈՑ

ՍԸՀԸԿԸՅ ԵՒ ՄԵՍՐՈՊԱՅ

ՅԱՀԱԿԵՐՏԱՑ

ԺԱՌԱՆԳԱԻՈՐԱՑ ՈՒՍՈՒՄՆԱՐԱՆԻ

ՍՐԲՈՑ ԸԹՈՌՈՅՍ

1863 ՅՈՒՆԻՍ 20.



ՅԵՐՈՒՍԸՂԷՍ

Ի ՏՊԱՐԱՆԻ ՍՐԲՈՑ ՅԱԿՈՎԵԱՆՑ

Handwritten notes and numbers on the right side of the page, including '10/10' and '10.3A'.

Բարսեղ

10986

Արժանացարդ Պ. Յովհաննէս Միրզա Վանանդեղի

082

Տեղէն Դասարան Սրբոյ Աթոռոյս .

1863 . Յոնիս 11

Աստ :

Համահաճ հաւանութեամբ պատշաճ դատեցաք ՚ի խրատոյ ընդհանուր Աշակերտաց յառանգաւորաց բարեկարգ Ուսումնարանիս , առ այժմ միայն զՎտեճաբանութիւնս յառաջագէտ Խորէն վարդապետի , Գրիգոր Երզնկացի և Գրիգոր Արապկերցի Սարկաւազաց , և Բարսեղ Պօլսեցի Ռարարկրի և Բարսեղ Զմիւռնացի Դպրի ՚ի լոյս ընծայել հրատարակութեամբ :

Վասն որոյ բարեյօժար զգացմամբք փութամբ զայս որոշումն մեր յայտ առնել Ձերումք Հոգեհարազատ Սիրելութեան , զի զաշխատութիւն յանձն առլէք զհնգեցինս Վտեճաբանութիւնս վերջիշատակեալ յառաջագէտ Ուսանողաց յանձնել ՚ի Տղադրութիւն , ՚ի փառաւորութիւն բարեկարգ յառանգաւորաց Ուսումնարանի Սրբոյ Աթոռոյս :

Գոհ եմք ամենայնիւ ընդ անձնանուէր աշխատասիրութիւնս Ձեր , և ընդ արգիւնաւորութիւն մանաւանդ մեծի Պաշտամանդ .


ԱՆԴԱՄՔ ՏՆՕՐԵՆ ԺՈՂՈՎՈՅՍ

Վրլանէս . Յարո-լիւն . Ներէս .

Հարրապէս . Հարրապէս . Հարրապէս .

Երեմիս . Բառնաբաս .

Հարրապէս . Հարրապէս :



17505-98



Վրլանցի Գրքերի Գրքարան - Գրքերի Գրքարան

Handwritten numbers and symbols in the top left section of the green page.



Handwritten numbers and symbols in the middle left section of the green page.

Handwritten numbers and symbols in the bottom left section of the green page.

Handwritten text and numbers at the bottom of the green page, including a list of names and numbers.

Բայտ համահաճ հաւանութեամբ որոշման և գրաւոր հրամանի Գերապա տիւ Հարց Արժանրնտիր Անդամոյ Տնօրէն Դողովոյ Սրբոյ Աթուոյս, զհնդեսին նշանակեալ Ատենաբանութիւնս յառաջադէմ Աշակերտաց Դառանգաւորաց Ռսուլմարանիս՝ յանձնեցաք ՚ի Տպագրութիւն :

Տնօրէն Դասապոս
Յ. Մ. Վ.



Հ Ո Գ Ե Կ Յ Ո Ր Դ Ե Ղ Բ Ա Ր Ք

Նախանձաւորութիւնն է զօրեղ խայթոյ. յառաջ յառաքինութիւնս մեծամեծս :

ՍՈՒԱՆԷ

Ի մեծահանդէս աւուրս՝ այն ինչ համախմբեալ կամք ՚ի բարեհաշակ Ռսուլմարանիս՝ յաւերժացուցանել ՚ի մեզ զբազայր յիշատակ երանաշնորհ սրբոյ Թարգմանչաց Հարցն մերոյ Սահակայ և Մեսրոպայ, իղձ մեծափափաք առթեաց յիս ձկտումն ՚ի տենչալին նախանձաւորութիւն, զնոյն ինքն նիւթ առնուլ բանախօսութեանս՝ որ յղվազունից եղև զօրեղ խայթոյ, յառաջ կոյս մղել յառաքինութիւնս մեծամեծս, յագոտական և ՚ի մերենական արուեստս պիտեանս, և հասուցանել զնոսա ՚ի կատար անդր փառաց և պատուոյ :

Այլ սակայն չեն իմ աստանօր կամք հոգեկցօրդ եղբարք, դրուատել զնախանձաւորութիւնն՝ որ ինքնին մեծի դրուատանաց է արժանի. այլ բայ կարի համառօտիւ իմն ցուցանել զբաղմաշահ արդիւնս նորին, և յորդորել զՁեզ ՚ի նոյն, ՚ի յառաջադիմել և ևս յուսմունս կարեւորս՝ յորս պարապիրդ անձանձիր աշխատասիրութեամբ :

Անթիւ են անհամեմատ արդիւնք տենչալոյն նախանձաւորութեան . առ Պերիկլէաւ թէ արագ արագ բարգաւաճեցան ուսմունքը և արուեստք յԱթէնս , և առ Օգոստոսիւ 'ի Հռովմ' , համարձակիմ աւել զի գլխովին բարի նախանձաւորութեան եղին արդասիք : Սոյն այս զօրեղ զգացումն նմանող լինելոյ արանց վեհագունից , և հետեւելոյ հանձարեղ երկաւ սիրութեանց , փառաւորեաց անդրէն կարի շատ զիւտարկանն աշխարհ 'ի ժամանակս Աննի տասներորդի , և զՔաղղիա՝ առ չորեքտասաներորդն Աուգուստինոսիւ . յորս 'ի վեր երևեցան հանձարք հրաշալիք , ծաղկեցան և ևս ուսմունք , պայծառացան արհեստք , և հորդեցին ուղի ընդարձակ 'ի հասուցանել զԵւրոպա յայժմուս գերաստիճանն փառաւորութիւն :

Մեծ է արդարև առխթիչ զօրութիւն նախանձաւորութեան հոգեկցարգ Եղբարք , որ զԹուկիդիդէս շարժեաց 'ի խանդ և 'ի զեղումն սրտի յարաբորք՝ միտլ մեծաւ ճգամք 'ի ձեռնարկ գրաւոր աշխատասիրութեանց , և լինել անուանի և բաղմահըմուտ պատմագիր հնոյն Ելլագայ . և զԱղեքսանդր Մակեդոնացի՝ գուն գործել 'ի մարտագոռ հանդէսս պատերազմաց արխանալքան զԳիւլցազունս Հոմերի , և յաղթական փառօք իշխել ոչ եթէ անձուկ սահմանացն Տրովագայ , այլ կործանեալ զմիահեծան տէրութիւնն Պարսից , և զազս նուաճեալ բազումս , հասուցանել զմակեդոնական Փաղանգն մինչև 'ի Գանգէս : Այն և զգերահռչակն Վիրգիլ հանդիսացոյց նախանձաւոր լինել մեծի փառաց հրաշապատումն Հոմերի , և զհանձարիմասան Աիկերոն՝

սրտագրաւ ճարտարախօսութեանն Դեմոսթենէսայ :

Տինա , նախանձաւորութիւն զաննչանս ոմանս և զլատահամբաւս իսկ փոխարկեաց 'ի համբաւ գեղաշուք . նախանձաւորութիւն այն , զնոյն ինքն Դեմոսթենէս զերիտասարգ խեռ և ստահակ՝ կայոյց ճարտարախօս անուանի և ոսնհար ամենայն մեքենայիցն թակարդելոց 'ի Փիլիպպեայ . նախանձաւորութիւն և զՇէքսպիր Անգլիացի 'ի ծառայական սպասաւորութենէն բարձրացոյց 'ի գահ նախաթոռողբերգակ բանաստեղծութեան :

Իարձուցից սրդ զկարգ բանիցս՝ 'ի մերոցս առնուլ օրինակս յընտանի Գիւլցազանց գերահամբաւ հանդիսացելոց նախանձաւորութեամբ : Հայկ նահապետ հայկազեանս Գրոհի , նախագաղափար քաջութեան և հայրենասիրութեան , նախանձախընդիր եղեալ հայրենի փառաց՝ յերեթթեանն իւր նետ յերկիր հարստէ զամբարտաւանն Բէլ . Արամ՝ նախանձաւոր ըստ ամենայնի Գիւլցազինն , յանհաւրին կոտորածս արտասահման մղէ զթշնամիս Հայրենեացն . Պարոյր և Տիգրան Երուանդեան՝ սոյն այս բուռն զգացմամբ արխանն 'ի պատերազմունս . բայց սուաւել քան զառաւել փառաւորին յաղթական փառօք Արտաշէս և Տիգրան Արշակունիք՝ զյաղթող զէնսն յառաջ կոյս մղելով մինչև Ելլագա . Խոտրով և Տրդատ՝ արհաւիրս ծանունս գործելով 'ի Պարսիկս . և յուլք ևս 'ի Թագաւորացն մերոց և 'ի Նախարարաց՝ նախանձաւոր գորով անպարտելի Քաջացն առաջնոց , գեր քան զկարծիս կանգնեն յաղթութիս նշանաւորս 'ի վերայ թշնամեացն Հայաստանի :

Սոյն այս սիրայօժար բաղձանք հետևելոյ բարւ
 ւոյն՝ և նմանող լինելոյ Առաքինեաց, գրաւեաց ըզ-
 ժիտս գերերջանիկ սուրբ Հարցն մերոց Սահակայ և
 Մեսրոպայ՝ որք նախանձաւորք ելով շնորհացն ըստ
 Առաքելոյն, առ լցան ամենայն բարեմասնութեամբք
 հոգւոյ, և սրբութեամբ կեանս վարեցին ՚ի մարմնի՝
 զերթ անմարմին հրեշապս :

Երանաշնորհ սուրբ Հարքն մեր Սահակ և Մես-
 րոպ, նախատիպք Հայկական Գրականութեան, յօ-
 ժարամիտ ձեռնտուութեամբ Առամշակոյ խաղա-
 զասէր Աբբային՝ յանազօտ լուսաւորութիւնս ուս-
 մանց պայծառացուցեալ զՀայաստան, ազատս կա-
 ցուցին զՀայս՝ ՚ի մուրալոյ զնշանապիրս Յունաց և
 Ասորոց : Յերկոցունց Մախագաղափարացս առաքի-
 նեաց շնորհեցելոյ ՚ի գիտութիւնս, ՚ի վեր երևեցան
 ապա Սիւնք հաստատութեան Եկեղեցւոյ և Պատ-
 ուարք ամուրք Գրականութեան Ազգիս, Ղեւնդ-
 երեց, Յովհան մանդակունի, Եղնիկ կողբացի, Կո-
 բիւն սքանչելի, Եղիշէ քաջաբան, Մովսէս քերթո-
 ղահայր, Մամբրէ վերձանող, Գաւիթ անյաղթ և
 այլ ևս յուրվք երանելի Աշակերտք գերերջանիկ
 սրբոցն Սահակայ և Մեսրոպայ՝ որք բարի նախան-
 ձաւորութեամբ մի քան զմի առաւելեալք ՚ի բրբօտ
 նախոր ջանս, ՚ի մեծալատտակ առաքինական ձեռ-
 նարկս և յերկս բաղմօգուտս գրաւոր աշխատասի-
 րութեանց, իբրև Աստեղք ըլստափայլք ծագեցին
 մեզ զճառագայթաւետ նշարս իւրեանց ՚ի դառ-
 նութեան ժամանակին :

Ապաքէն հոգեկորդ Եղբարք, ըստ Իմօվանն

Ջանացայ փոքր ՚ի շատէ ցուցանել ՚ի բանախօսու-
 թեանս զօգտաւետ արդիւնս նախանձաւորութեան
 քաջայայտ օրինակօք Արանց երևելեաց՝ ՚ի մերոց
 անտի և յօտարացեղիցն . որք ՚ի նոյն քաղցրախորժ
 բերումն սրտի առ ոտն հարին զամենայն խոչ և ըզ-
 խութ, և ուշ եդին հետևող լինելոյ բարւոյն և
 հաճոյականին, և լիովին պսակեալ զիղձս իւրեանց
 հոչակեցան յընդհանուրս, և հոչակեցին դարուց
 ՚ի դարս անմոռաց յիշատակաւ :

Տանկալի է ինձ և քաղցր յոյժ՝ սիրալառիլ ՚ի
 նախանձաւորութիւն, և յորդորել ևս զՁեզ ՚ի նոյն
 սիրալի զգացումն : Մախանձաւոր լիցուք և մեք չը-
 նորհացն՝ յառաջել յառաքինութիւնս մեծամեծս,
 յուսմունս պիտեանս, ՚ի կրօնասիրութեան, ՚ի հայ-
 րենասիրութեան և յընկերսիրութեան . երջանկա-
 ցուցանել զհոգիս մեր իրական բարեօք՝ յորս ոչ
 գողք մերձենան և ոչ ցեցք ապականեն : Ոչբիտ
 դաղափարք Աստուածահաճոյ Առաքինեաց և քաջա-
 հմուտ Իմաստնոց բաղումք եդեն ՚ի մեզ ՚ի դասուե-
 կղերականացն . նմանող լիցուք նոցա, հետևեցուք
 բարի նախանձաւորութեամբ անստերիւր շաւղաց
 Ընտրելոյն պարու : Մախանձախնդիր լիցուք առա-
 ւելուլ մի քան զմի ՚ի վաստակս գրաւոր աշխատա-
 սիրութեանց, փառաւորել նոքօք և ևս զբարեհրօ-
 չակ Ուսումնարանս : Գուն գործեսցուք հանապաղ
 ոչ զմեր՝ այլ զհասարակացն նախամեծար վարկանել
 զօգուտ . յօժարամիտ փութով և ՚ի սէր անհամե-
 մատ՝ սիրեսցուք զԱզգ մեր և զՀայրենիս, և զհա-
 ւատիս անկեղծ զգացմանց մերոց՝ ոչ ՚ի բանս, այլ


յիրական արդիւնս գործոց հրապարակեցուք յայտ
յանդիման . և հուսի ուրեմն ուշ 'ի կուրծս մեր
գիցուք նախանձաւորութեամբ գործել հանապազօր
զբարին , զհաճոյն և զկատարեալն :

ԱՇԱԿԵՐՏ Ա . ԴԱՍՈՒՆ

Նոստր

ԻՈՐԵՆ ՎԱՐԴԱՊԵՏ

Վանեցի :



ՃԵՌ Բ .

Ի ՎԵՐՄԵՑ ՀԱՅՐԵՆԵԱՍԻՐՈՒԹԵԼՆ

ԳԵՐԱՊԱՏԻ ՍՐԲԱԶԱՆ ՀԱՐԲ

Ենդիբր ինձ կայ այսօր առաջի , ինդիբր վսեմա-
կան՝ որ թէպէտ 'ի վեր քան զկար իմ և զզօրութիւն
մտացս , բայց և այնպէս ձեռնարկեցից 'ի նոյն հասա-
նել 'ի նպատակն իմ՝ գէթ 'ի միջասահմանն : Օ հայ-
րենասիրութենէ կայ ինձ ճառել 'ի շքեղաշուք ա-
ւուրս , և ըստ իմոխսանն դրուատել զնա և ցուցանել
զարգասիսն , 'ի յորդոր հոգեկցորդ Եղբարց իմոց 'ի
նոյն սիրալի զգացումն : Չեն ինձ պէտք աստանոր
դիմել 'ի սեթեթեալ պաճուճանս ճարտարիսու-
թեան , և այնու ճոխացուցանել զբանս իմ . զի նիւթ
ատենաբանութեան իմում ինքնին գոլով վսեմական ,
դարձուածք բանից ոչ եթէ վսեմացուցեն զայն , այլ
թերևս և նուաստացուցեն իսկ բազմիցս :

Չիք ինչ քաղցր քան զտէր Հայրենեաց , ասաց՝ որ
ասացն . և կարի յիրաւունս : Քանզի այս բուռն և
քաղցրախայթ զգացումն այնպէս վառէ տոչորէ ըզ-
սիրոս , մինչև բաղմաց մոռացեալ խապառ զամենայն
գիւրութիւն և զհանգիստ՝ դիմադրաւեն անվեհեր
համարձակութեամբ 'ի մահահրաւեր վտանգս պա-
տերաղմաց , և արիանան 'ի փրկութիւն Հայրենեաց .
յօժարակամ՝ ընտրեալ զմահ վառաշուք՝ քան զգե-
րութիւն սպաշուք : Սիրելի են այժ , ըստ Վիկերոնի

բարեկամք, սիրելի են մերձաւորք և ընտանիք, այլ այս ամենայն սիրոյ բովանդակութիւն՝ է Հայրենիքն : Հռեգուլոս հռչակաւորն 'ի զօրավարս Հռովմայեցւոց՝ և զկեանս իսկ, զգեր 'ի վերոյն 'ի բարիս բնութեան, առ ոչինչ համարեցաւ առ օգտիւ Հայրենեաց, և անլսող գտեալ բուռն թախանձանաց ծերակուտին և բարեկամացն, դարձաւ անդրէն 'ի Վարբեդոն, կամակար ազատութեամբ ընտրեաց զմահ, և իւրով մահուամբ մանաւանդ՝ փութացոյց զիորձանումն քաղաքին : Սարկոս բրուտոս՝ զորդիս իւր դաւադիրս 'ի նպատա Տարկուինեանց, դատապարտեաց 'ի մահ, ցուցեալ քաջայայտ զի առաւելքան զորդիսն՝ սիրէր զՀայրենիս : Վաթէ, քանի՛ բուռն զօրութեամբ գրաւեալ էր հայրենասիրութիւն և ըզսիրտ Վոդրոսի արքային Աթենացւոց, որոյ 'ի լեւ 'ի պատգամսոսէն, թէ այն յողովուրդ յաղթող ընդդէմ՝ թշնամւոյն հանդիսացի՝ որոյ առաջնորդն անկանիցի 'ի պատերազմի, իսկ և իսկ ծպտեալ 'ի կերպարանս մխեցաւ յառաջ կոյս, և զբազումս 'ի թշնամեաց դիտթաւալ յերկիր կործանեալ, ինքն ևս նետահար փչեաց զրդին՝ յաղթանակեալ 'ի մահուն :

Թէ քանի՛օն ունի քաղցրութիւն սէրն Հայրենեաց, պանդուխտք տարամերժք 'ի ցանկալի սահմանացն՝ յորս ծնան և սնան, դիտեն մանաւանդ հաւատեալ . թէ և 'ի նժդեհութեանն ճոխացեալք իցեն առաւելապէս բարեօք բախտի, բայց և այնպէս անմոռաց ունին 'ի յուշի զմարգագեւորինս դալարագեղս՝ յորս ճեմ առեալ գնային երբեմն 'ի լուր մալերոյ խաշանցն արօտականաց, զլերինս ծածկեալս սա-

ղարթախիտ ծառովք՝ ուր դիմէին յորս աղբի աղբի երէոց, և զքաղցրակարկաչ վտակն ականակիտ՝ առ որոյ եղերբ նստեալ 'ի հանգիտտ խոնջեալ անդամոց, կամ 'ի զբօսանս, դիտէին ակնպիչ զգետահեալի զնալ նորին փախտական ընդ դաշան ծաղկաւետ :

Այս բնաւոր բերումն քաղաքական առաքինութեան՝ այն է հայրենասիրութեան, և 'ի մեր իսկ հաստարմատ տարրացեալ է 'ի հոգիս . թէ տեսանեմք և լեւմք զի այլք 'ի բան բերանոյ, կամ դրովք հրուշակեն զվաղեմի փառս Հայրենի աշխարհին մերոյ, և զճշմարտութեան թեկն ածեալ խոստովանին զԳրախտին անդր հաստատութիւն, և զայլ պարծանս անզուգականս յիշատակեն մի առ մի՝ որովք թագուհի համօրէն աշխարհի հանդիսացեալ է ցանկալին մեր Հայաստան, փառաւորիմք անդր քան զչափ, և յուրեպարար ուրախութիւնս համակեալք՝ գոչեմք բերանալի . ս՛հ, զի քաղցր է մեզ Հայաստան՝ դրախտա վայրն մեր Հայրենիք : Այլ սակայն թէ որ փորձ փորձեացէ թախուր 'ի փառաց երեւցուցանել զնա վատութեամբ՝ կամ անգիտութեամբ, և յանիրաւի վատահամբաւել, իբր այն թէ չէ ծնող քաջաց և առաքինեաց, վշաակրիմք և 'ի խոր խոցիմք, և անդէն ձեռնարկեմք յապացոյցս հօրօս և 'ի փաստս անհերքելիս՝ զամենայն ճիգն թափելով 'ի պաշտպանութիւն իրաւանց :

Հայրենասիրութիւն իբրու զմաքնիս առ ինքն կրողէ զսիրտ մարդոյ բանականի, որ ըստ չափու ըզդացողութեանն գուն գործէ, տքնի հանապաղ անձանձիր փութով առաւելուլ զփառս Հայրենեացն

և նախանձել զնա կայուցանել իւրոցն և օտարաց : Ազգք իւրաքանչիւր բնասոր բերմամբ սիրեն զՀայ-
 բենիս իւրեանց, և յայլ և այլ առիթս պարծանաց ջա-
 նան ցուցանել գերամեծար քան զայլ : Յոյնք պար-
 ծին առաւելապէս յԱթէնս և ՚ի Սպարտա . Հռով-
 մացեցիք՝ ՚ի Հռովմ, և այլք յԱզգաց նոյնպէս ՚ի
 Հայրենիս իւրեանց՝ յորս ծնան և սնան, և մատե-
 նագիրք նոցին երկնաչափ զնոսա բարձրացուցանեն :
 Բայց միթէ հաւասարիցին ինչ նքա անզուգական
 փառաց ազինավայրն Հայաստանի . Թող պարծեսցին
 Յոյնք յԱթէնս՝ իբր լինել տեղե իմաստութեան և
 գեղարուեստից, ՚ի Սպարտա՝ լինել ճնող քաջարանց
 խմբից գու պատերազմողաց, նոյնպէս և Հռովմոյ-
 եցիք գրուատեսցեն զՀռովմ՝ իբր երկոքումք ևս
 փառաւորեալ անդր քան զչափ, այն է քաջութեամբ
 և իմաստութեամբ : Այն, պարծանք իրաւացիք, զորս
 ոչ ոք կարէ ուրանալ, բայց և ոչ այնպէս չնաչխար-
 հիկ համեմատութեամբ փառացն Հայաստանի :

Հայաստան ոչ միայն գերածայրեալ ՚ի փառս
 ճննդեամբ որդւոց առաքինեաց, քաջայազմ Դիւ-
 ցազանց և ներհուն իմաստնոց, այլ և աննման պար-
 ծանօք լինելոյ Հայրենիք ընդհանուր մարդկութես
 սեռի : Եթէ Յոյնք և Հռովմացեցիք և համօրէն Ազգք
 աշխարհիս սերեցան ՚ի նախամարդոյն Ադամոյ, ո՛ւր
 ապա բնակեցաւ Ադամ . ո՛ւր ծնաւ զորդիս՝ յետ կու-
 բուսանելոյ զվայելս փափկութեան, ոչ ապաքէն ՚ի
 Հայաստան, ոչ և զԴրախտն հրաշագեղ՝ տնկեաց Աւ-
 տուած նա մանաւանդ ՚ի բարձրագաւառն Արարա-
 սոյ, յոր գետք քառառաջք յանսղտոր վճառութիւնս

իւրեանց անխառն ընթանան ուղանել զերկիր :
 Տի՛նա, և յետ համայնաջինջ ջրհեղեղին մինչ
 դեռ բովանդակ երկիր խորատուղեալ կայր ընդ ջրով,
 նախ դառաջինն երևեցան բարձուք լեւրինն Մասեաց .
 անդ հանգեաւ տապանն Նոյեան, անդ Նոյ հաստա-
 տեաց տեղի բնակութեան, անուանեալ զայն Նախ-
 իջեան . անդ բազմացան որդիք և թուուք Նահա-
 պետին, և անտի սփռեցան մարդիկ ընդ երկիր : Ա-
 ղովք Հայաստան կայ մնայ վեհագոյն քան զամենայն
 աշխարհս, և առաջին Հայրենիք ցեղիս մարդկութե .
 բարգաւաճեալ ամենայն բարեօք բնութեան, և
 գերազանցեալ ՚ի փառս քան զամենեսեան :

Այլ սակայն որչափ քաղցր է և շքեղապանծ
 ցանկալին Հայաստան, սեպհական մեր Հայրենիք,
 նոյն համեմատութեամբ վեհ հանդիսացան անգանօր
 Հայրենասէրք պանծալիք, չնաչխարհիկ պարծանք
 Ազգիս թորգոմեան, մեծամեծ գաղափարք քաջու-
 թեան և հայրենասիրութեան, և անպարտելի դիւ-
 ցազունք : Արախի է Հոյկ նահապետ համազգայինս
 լըութեան, որ վառեսոյ ՚ի սէր Հայրենեաց, ել պու-
 տերազմաւ ՚ի վերայ անօրէն հսկային Ներբովթայ,
 և նետաձիգ հար սատակեաց զնա չարաչար : Հան-
 գունատիպ մեծի Հայրենասիրին յուրվք ՚ի Թագա-
 ւորացն մերոց և յուրվագոյնք նաև յաշխանաց՝ ըզ-
 փառս Հայաստանի գուն գործեցին հասուցանել ՚ի
 գերազանց պայծառութիւն, արդեամբք քաջամաս-
 նութեանց :

Բանքէ, տարատայման բուռն էր զգացումն հայ-
 րենասիրութեան և երանելի Հայրապետին մերոյ

մեծին Ներսէսի . որ յետ բաղմազգի աղէտիցն և վըշտաց՝ որոց տարաւ համբերասար ոգւով , ՚ի վերայ լերինն Նպատայ՝ հանգոյն Նախամարգարէին մեծի բազկատարած աղօթէր և սրտաբուղն հայցուածովք խնդրէր Աստուծոյ հալածական վարել զԹշնամիսն հաւատոյ , զմարդախոշոշ զօրականս Պարսից , և ազատել զՀայաստան ՚ի հինիցն յարձակմանց : Կարի մեծ էր և հայրենասիրութիւն ըստանորոգ սրբոյ Հարցն մերոյ Սահակայ և Մեսրոպայ , որք զբարոյական գերութիւն Հայաստանի բարձին խալառ ՚ի միջոյ . քաջամարտիկ զօրավարին սոյն Վարդանայ , և քաջայաղթ Վահանայ Մամիկոնէի՝ որք յաղթող հանդիսացան ՚ի պատերազմունս և զերծ կացուցին զԱզգմեր ՚ի պիղծ աղանդոյ մագուցն արևապաշտից :

Այա ուրեմն և մեք օրինակ մեզ կալցուք զՀայրենասէրս պանծաղիս՝ որք զյիշատակ անուան իւրեանց անմահ թողին յաշխարհի . ջան ՚ի գործ դիցուք յանձինս մեր բերելոյ զնմանութիւն բարելաւութեանց նոցին . և պարտ անհրաժեշտ համարեցուք սիրել զՀայաստան , սիրել անհամեմատ սիրով , զվորձ առեալ քաջ՝ զի շիք ինչ քաղցր քան զտէր Հայրենեաց :

ԱՇԱԿԵՐՏ Ա . ԴԱՍՈՒՆ
 ՆՊՊՊ
 ՍԱՐԿԱՒԱԳ ԳՐԻԳՈՐ
 Արաբիերդի :



ՆԱՌ Գ .

ՅԱՂԱԳՍ ԿՐՕՆԵԱՍԻՐՈՒԹԵԱՆ



ԳԵՐԱՊԱՏԻՒ ՍՐԲԱԶԱՆ ՀԱՐԲ

Ի հոգեղուարձ աւուրս տարեդարձի տօնախրվբութեան սրբոց Թարգմանչաց բաղմերախտ Հարցն մերոյ , զարթուցից զմիտս իմ ՚ի խոր թմբրութենէ , զհրօնասիրութենէ ճառել . ոչ զՀեղինականացն՝ որ մարդկային իմաստութեան էր ծնունդ , այլ զմերոցն՝ որ Աստուածային է պարգև չքնադատիպ : Ոսկեծոյլ նուագարանաց և կիթառաց աստ շէն պէտք , մինչ Յաբեթականացս գրոհի Հոյլք համախմբեալ կան ՚ի հանդէս . այլ պսրտ է մեզ զեղուս մեր , զհարազատ Թարգմանս մտաց մերոց՝ շարժել ՚ի գովաբանութիւն Աստուածատուր կրօնից : Այա սոսք ինձ հրաման անհրաժեշտ յառաջ ամել զոր խոստացայ :

Ամենայն գիրք Աստուածուսոյցք մեզ խրատ սրտուիրանաց աւանդեն՝ ընդ քաղցր լծով կալ մնալ կրօնասիրութեան՝ հեղահամբոյր խոնարհութեամբ : Այսն զի եղանակ կրօնից Քրիստոսնիցս ՚ի սէրն սուրբ և ՚ի դաւանութիւնս ճշմարտութեան հաստատի : Ամենայն ուրեք՝ ուր և մուտ գործէ գերագոյն կատարելութիւնս այս Աստուածգիտութեան , անդ

սորա են արգասիք . թէ զվերակացու լինելն որբոց
 և այրեաց , սորա են իսկապէս արդիւնք : Եւ զի
 երկարեցից . գիտելն ճշմարտապէս զկրօնս՝ է ճանաչ
 չել զԱստուած . և սիրելն զնա ուղղութեամբ՝ է մի
 անալ ընդ Աստուած :

Եւ զինչ , միթէ մարդ ինչ իցէ զՄովսէս և լու
 Փենեէզ , զԵղիա թեսբացի և զԵզրաս մեծ քահա
 նայապետն ՚ի մոռացնս մտաց արկանել . յորոց մին՝
 գերազանցեալ քան զԵնութիւնս մարդկայնոց , զհիմն
 եդ ստուերական օրինաց . իսկ մնացելոցն՝ զնախանձ
 Տեառն ամենակալի բարձեալ յանձինս , և զարդար
 վրէժխնդրութիւնն ՚ի գործ արկեալ քաջապէս արի
 ացան ՚ի սակա հայրենատուր կրօնից :

Եւ զինչ ճառեցից ՚ի պատկառելի ակմբիս Սրբ
 բազան Հարք , զհայկազանց սերնդոցս , յորմէ բա
 զումք յետ սրբոց Հօրն մերոց Գրիգորի լուսաւորչի
 անցեալ կացին ՚ի հանդէս ասպարիզի քաջութեան՝
 ՚ի պաշտպանութիւն օրինաց և կրօնից . յորս գերա
 կայ գտան քան զամենեսեան յոյսն մեր ՚ի յերկինս՝
 սուրբն Յուսիկ , և մեծն Ներսէս՝ սիւնն հաստատու
 թեան սուրբ Եկեղեցւոց . տեսանողն և մարդարեա
 հրաչ հայրապետն Իսահակ պարթև , և բարերար և
 երախտաւորն Հայաստանեայց Մեսրոպ պանծալին
 ՚ի սրբութեան : Արոց սիրայորդոր բանիւք խրախու
 սեալ զորդիս (Թորգոմայ) ընդ լծով մուծին հնազան
 դութեան կրօնից , և զքաղցրութիւնս ետուն ճա
 շակել կրօնասիրութեան Ասքանազեանս աղին . ու
 բովք զՀայաստան , զվայրն աղինական՝ իմանալոցն
 նմանաբերեցին Սիովնի , և զփառս Այրարատոց գեղ

քան զաստեղս բարձրացուցեալ զարդարեցին շքե
 շապանձ , և զորդիս Հայկեանս գրոհի առհասարակ
 որդիս լուսոյ վերադրեցին :

Եւ յի , տեսաք զկրօնաւորութիւնն սահման առա
 քինութեան , յորում կամք գերազոյն էին տեղի
 կալեալ հանգչի . և շնորհաց նորին յորդութիւնք
 յեօթնառաջս բաժանեալ արբուցանել խոստանան
 զ՚ի սահման անդր առկայացեալսն ՚ի վաակացն . ու
 լոց սկիզբն և պատճառ՝ նոյն ինքն է անախտ Բնու
 թիւնն : Վասն որոց և մեզ՝ որ համախմբեալք եմք ՚ի
 տարեդարձի աւուրս տօնախմբութեան կրօնասէր
 սրբազան Հայրապետացն մերոց Սահակայ և Մեսրոպ
 պայ , հարկ ՚ի վերայ կայ թեւակոխել ՚ի սահմանս
 բարօրութեան և բարելաութեան :

Վերապատիւ Սրբազան Հարք , ցանկալի մեզ ե
 ըկեսցի կիրաւութիւն կրօնասիրութեան . Ազգա
 սէր Հանդիսականք , ըղձալի թուեսցի մեզ գործառ
 նութիւն ճառեցեալս կրօնասիրութեան . սիրակցորդ
 և համամիտ Եղբարք , ճշգրտապէս բացատրայլեցի
 ՚ի հոգիս մեր և ՚ի միաս , և ընդ մեզ միաւորեալ ան
 բաժ կացցէ և մնացցէ այս մեծութիւն անապա
 կան ճոխութեան , զոր ՚ի ձեռանէ Տեառն իսկ ըն
 կալարք : Եւ յի , գիտեմք և քաջ իսկ ճանաչեմք զօ
 դուան մեր և զօգտաւէտութիւն կրօնասիրութե
 զի որպէս գոյն ինչ միջնորդութեամբ լուսոյ բացե
 ըւապէս մերկապարանոց լինի և դայ ՚ի ճանաչումն
 ամենայն ումեք , այսպէս և մարմին մարդոց հոգւով
 շարժի և կենդանի պահի . և կենդանութի հոգւոյն
 է կիրաւութիւնն սուրբ կրօնից : Վասն որոց պար

տիմք ամենայն երկիւզածու թեամբ և բարեպաշտու-
 թեամբ պատկառ կալ 'ի ճառայութիւն կրօնասիրու-
 թեան : Օհոգւոց մերոց Լուսաւորչին իրաատական
 զբանն 'ի միտ անցնէք և 'ի խորս սրտից մերոց ան-
 ջնջելի փորագրեսցուք . որ պատուիրէ հանապազօր
 քննող լինել խորհրդոց և բանից և գործոց : Օսոյն
 և յարտաքնոցն զգաստից Պիւթագորաս՝ հրամայեաց
 աշակերտացն իւրոց , յաւուրն երկիցս քննել զան-
 ձինս՝ թէ զի՞նչ արարին , ո՞րպէս արարին , և վասն
 ցոյր արարին :

Ապա ուրեմն մի վերջացուք 'ի գրկխառնու-
 թենէ կրօնասիրութեան , և 'ի միտս և 'ի հոգիս մեր
 յընդունելոյ և 'ի խորս տպաւորելոյ զնա . նա մա-
 նաւանդ մեք՝ որ զկրօնաւորութեանն կրեմք զանուն ,
 պարտիմք առաւել ընդ գեղատխտւր հանդերձից մար-
 մնոյ՝ զպայծառափայլ կրօնասիրութիւնն զգենուլ 'ի
 հոգիս , որպէս զի զնամնութիւն սրբազան Հարցն
 առաջնոց յանձինս մեր ունելով , յանմահական կեն-
 դանութիւն վերափոխեսցուք . և նոցունց մեծի երախ-
 տաւորացն գոլով մեր իսկապէս աշակերտ , մի յետս
 կասեսցուք 'ի նոցին անմարտ շաւղացն :

Եւ շարժեսցին լեզուք մեր և հնչեսցեն զօրհնա-
 բանութիւն , հայցելով սրտաբուզի մաղթանօք կալ
 մնալ Հայկազանցս հանապազօր բարիոք կրօնասիրու-
 թեամբ՝ ընդ պահպանողական խնամով յաւիտենա-
 կան Տեսչութեանն :

ԱՆԱԿԵՐՏ Բ . ԴԱՍՈՒ
 Ն՝—՝—՝—
 ՍԱՐԿԱԻԱԳ ԳՐԻԳՈՐ
 ԵՐԵՒԱՅԻ :

ՃԱՌ Դ .

ՅԱՂԱԳՈՒ ԵՐԳԱՆԿՈՒԹԵԱՆ ՀՈԳԻՈՅ

ԳԵՐԱՊԱՏԻՒ ՍՐԲԱԶԱՆ ՀԱՐԲ

Բնութ , վարդամասն արեգական շնորհաբեր
 ծագումն՝ աւետէ մեզ զբերկրառիթ գալուստ ա-
 լուրս նշանաւորի . յորում հայկական դպրոցի ման-
 կունք յիւրաքանչիւր քաղաքս և 'ի գիւղս սպար ա-
 ռեալ զերգս նուագեն քաղցրահնչիկս , և 'ի ճառս
 ներբողեանս փառաւորեն զխորալի յիշատակ տարե-
 դարձի տօնախմբութեան բազմերախտ սրբոց Հարցն
 մերոց Սահակայ և Մեսրոպայ , 'ի ցնծութիւն հա-
 մակեալ զսիրտս Ազգասէր Հանդիսականաց : Ո՛վ ա-
 լուրս հրաշալւոյ , յորում և սրբոյ Գահիս մեծա-
 հռչակն Ռատումնարան՝ հրաւիրակ կացեալ Սրբազա-
 նիցդ գերապատուութեանց , յիւր մեծանիստն ա-
 կրմբեաց սրահ փառաւոր . և ուսումնասէր Աշա-
 կերտք 'ի պատիւ շնորհաշուք աւուրս ընթերցան մի
 դմից կնի զատենաբանութիւնս իւրեանց՝ 'ի ներկա-
 յութեան պատկառելի Հանդիսականացդ . և ահա
 այժմ լուսութիւն փառահեղ տոնեխի հրաւիրէ և ըզ-
 նուաստութիւն իմ յասպարէզ , վերձանել զտակաւա-

մասնեայ իմ՝ ձառ՝ որ վասն երջանկութեան մարդկայինս հոգւոյ :

Ապաքէն չիք որ յաշխարհի՝ որ ոչ իցէ ՚ի խընդիր երջանկութեան . այլ բազումք անձանօթ գորով զտեղւոյն՝ ուր ներփակեալ կայ , ՚ի զուր աստանդին ՚ի գիււա նորուն : Արպէս այր խորտկատէր ՚ի համեղ կերակուրս կարծերով ՚ի ձեռս բերել , լուղի և թաւալի ՚ի նոյն , այր բազմահարուստ ՚ի մեծադանձ ձուխութիւնս իւր հնարի գտանել . այր ունող աւագութեան՝ ՚ի գերամբարձ և ՚ի պերճական իշխանութեն երևակայէ երջանկանալ : Այլ յայտոսիկ անկարելի է ումեք ձեռքակալել զերջանկութիւն . քանզի թշնամի գորով իրերաց , հանապազ ոգորին ընդ միմեանս , և մին՝ զմիւսն անդադար մրցի հալածել . տալով հետամոխն ոչ հանգիստ մտաց՝ և ոչ քուն աչաց : Օրինակ իմն , տեսանեմք զօրհանապազ գնորատի մանկունըս՝ որոյ զօրացեալ ըսամասնեայ ջիղք ոտիցն , մինչ նոր ՚ի նոր ձկտին ՚ի քայլափոխս , բնական իմն ըղձանօք տենչան համարձակ շրջիլ ՚ի ձեմ . այլ ՚ի զուր վաստակեալ լքանին : Հանդուձատիպ իմա՝ և զտղայացեալ մտօք , որք փորձեն ուղղել զանձինս ՚ի գնացս երջանկութեան , և արագ ՚ի քայլ հասանել յայն՝ անգիտացեալ զուղին արահետ :

Բազումք ՚ի գիտնաւորաց զբնաւ ընթացս կենաց իւրեանց ծախեն յընթերցմունս գրոյ , որպէս զի հնարեցին զերջանկութիւն գտանել . բայց ոչ այլ ինչ գտցեն այնու՝ քան զանդորրութիւն մտաց : Եւ որովհետեւ անդորրութիւն մտաց չի՝ ճշմարիտ երջանկութիւն հոգւոյ , վասն որոյ և ոչ տիրապէս

կարէ վերածել զօր ՚ի նոյն , նա մանաւանդ և անմիտութիւն գիտնաւորին Գեմօկրիտեայ ՚ի թշուառութիւն ան զինքն՝ քան յերջանկութիւն . որոյ կուրացուցեալ զաչս մարմնոյ առ ՚ի բանալ զաչս հոգւոյն , զըկեցաւ ՚ի տեսութենէ արեգական : Եւ զի՞նչ երջանկութիւն է ումեք , թէ և իցէ իբրու զԱրիստոտէլ ներհուն իմաստասէր , և իբրև զՅուլիանոս գիտուն բազմագէտ . մինչ չունի գործ ինչ Աստուածահաճոյ առաքինութեան՝ յոր ձեռն ստացի զերջանկութիւն հոգւոյն , ապա և գիտնաւորք զուրիք յառաքինութեանց , ոչ կարեն հասանել յերջանկութի :

Իսկ արդ եթէ յղիպցեալք գանձիւք և պերճացեալք իշխանական գահու , և թարթափողք յընթերցմունս մատենից չկարեն գտանել զճշմարիտն երջանկութիւն , և ո՞ւր գացուք մեք հեշատէր մարմնոյ վիճակեալքս զայն ՚ի ստապատիր աշխարհիս : Քանզի մարմին մարդոյ է գոյացութիւն նիւթական , որ միշտ ՚ի նիւթականս բաղձայ յօրանալ . և հոգին՝ գոյացութիւն աննիւթական , որ անդուլ տքնի ձրգել զինքն ՚ի վեր ՚ի յերկինս՝ միանալ ընդ անմարմինըս . բայց գորով սոցա ներհականք միմեանց , ոչ մին թողու միւսոյն ՚ի ցանկալին իւր սլանալ , և ոչ միւսն լքանէ զթշնամին ՚ի բաղձալին իւր հեշտանալ , ըստ այնմ թէ , « մարմին ցանկայ հակառակ հոգւոյ , և հոգի հակառակ մարմնոյ » :

Սակայն կամեցողական զօրութիւն հոգւոյն երբեմն ապստամբեալ ընդգէմ բանին՝ ընդ թշնամւոյն իւրոյ միաբանի , որ ստորաքարչ գնա հնարի առնել . իսկ որ միանգամ թէթև է բնութեամբ , զհարգ

մարթ իցէ նմա 'ի վայր կոյս բերիլ, այն, յանհնա-
 րիցն է այս. սահայն հոգին 'ի տան մարմնոյ դողով
 փակեալ, մինչ 'ի միութեան կայ, բազում այն է զի
 անճարացեալ հնաղանդի, և թշուառացեալ անկա-
 նի ընդ պարտեօք մեղաց. ապա ծառայելովն մար-
 մնոյ և թշուառանալովն՝ սրպէս կարող լիցի վիճա-
 կիլ երջանկութե՛ն: Ուստի և տեղեկանամք 'ի սուրբ
 Գրոց, զի չարք և մոլեկան կրից ծառայողք՝ ոչ եր-
 ջանկին, այլ ամենաթշուառ և մշտտանջ անմա-
 հութեան վիճակեցան 'ի դժօխս:

Նա զի և անկցորդք իսկ չարութեան և առաքի-
 նութեան, ոչ արժանացան յայս երջանկութեան հո-
 գւոյ ժամանել կայան: Այսն որոյ և 'ի վաղեմի դա-
 րբս ոչ որ իսկապէս գտաւ հոգւով երջանիկ: Բոտ
 որում 'ի դարս բնական օրինաց, մարդիկ՝ որ իւրովն
 վատտաւոր և բարեօք բնութեան կէին զերծ 'ի մե-
 ղաց, ոչ երջանկացան. զի ոչ գիտէին զչարութիւն
 և զառաքինութիւն:

Ի դարս գրական օրինաց եբրայեցիք զսրբազան
 պատգամն ունելով՝ նորք վարէին ընդ միմեանս,
 այլ նորա ևս ոչ ժառանգեցին զերջանկութիւն. զի
 զուրկ էին 'ի շնորհական օրինաց:

Ի դարս փիլիսոփայական՝ Իմաստասէրք նուրբ
 հայեցմամբ 'ի բնական իրս, տեսին ընդ ազօտ, զի
 գոյ երջանկութիւն իմն հոգւոյ, և առ 'ի ստանալ
 գայն՝ այլ և այլ սկզբամբք փիլիսոփայութեան ջանա-
 յին յորդորել զամենայն մարդիկ 'ի բարոյական ա-
 ռաքինութիւնս: Բայց միոյն սկզբունք ներհական
 լեալ միւսոյն՝ շուարեին որք լսէինն, թէ որում ան-

տայցեն և ում՝ անաստեոցեն: Արդէս Ստոյիկեանք
 ծայրագոյն բարի սակին գառաքինութիւն, և ծայ-
 րագոյն չար զմուլութիւն. այլ զերկոսին իսկ անբաց-
 բոշ թողեալ հանգամանօք:

Պիւթագորաս և Անագաստորաս երևելիք յի-
 մոտասէրս, զերջանկութիւն դնէին 'ի ճանաչման
 և 'ի նկատման ամենայնի: Երիտօրպոս՝ ընդ նմին և
 Վիւրենացիք, զփափկութիւն մարմնոյ և զհեշտու-
 թիւն՝ երջանկութիւն հոգւոյ համարէին. որոց ըզ-
 կնի մուլար կարծեացն բազումք հեանեցան, 'ի փափ-
 կութիւնս, 'ի հեշտութիւնս և 'ի պերճութիւնս աչս
 արձակեալ: Ազգիկուրոս անուղբախտն՝ զհեշտութե-
 նէ միայն սակր կախեալ զերջանկութիւն. այլ և այն
 անցայտ, թէ զբնական հեշտութեանէն արդեօք, ե-
 թէ ոչ զբարոյականէն. վասնորոյ և եղերեցաւ:

Իսկ այսօրիկ ամենայն կարծիք փիլիսոփայից՝ որք
 հակառակին մանաւանդ միմեանց, ոչ նշոյլ ինչ ցու-
 ցին ճշմարիտ երջանկութե՛ն. զի յաշխարհական իրս
 յաւ զախնդիք էին դոտանել: Այլ երջանկութիւն երկ-
 նային է, և ոչ բնակի յաշխարհի. քանզի 'ի պատիւ
 ոչ կայանայ երջանկութիւն. զի պատիւ վատտաւոր
 ստացանի, նախանձու չարակնի, և 'ի ստացիչն՝ ծան-
 բարեոնի: Ի համբաւ չիք երջանկութիւն. զի յո-
 լովք մեծահամբաւ եղեն 'ի շողմոզաց և 'ի սուտ
 կարծեաց սամկին. քան զոր չիք ինչ առաւել քամա-
 հական: Յիշխանութեան ոչ գոտանի երջանկութիւն.
 զի իշխանութիւն բազմիցս առաւել պատիժ է ու-
 նողին՝ քան պատիւ. սրպէս է տեսանել 'ի Յուլիոս
 կեսար, 'ի Տիբերիոս և 'ի Ներոն հոսիմոյեցիս. և 'ի

մերոց անտի՝ ՚ի Տիրան , Արշակ և ՚ի Պապ , և յայլ բազում իշխանաւորս այլ և այլ ազգաց :

Եւ զի երջանկութիւն ՚ի ներքին բարիս հոգւոյն կայանայ , ապա և ոչ փառքն երջանկացուցանէ զքր : զի փառքն է արտաքին բարիք :

Յազազս որոյ ասէ Սենեքայ . « Երանելին ՚ի մարդկանէ այն է՝ որում չիք այլ ինչ բարի , բայց որ ինչ հոգւոյն է » . առ որ ՚ի դէպ գայ բան Տեառն , թէ « Արքայութիւն ՚ի ներքս ՚ի ձեզ է » . և բան սրբազան Առաքելոյն , թէ « Խորհուրդ հոգւոյ է կեանք յաւիտեանական » : Ապա ՚ի ներքին բարիս է երջանկութիւն , և ոչ յարտաքինս . քանզի և Պիգմաղիոն՝ ճոխացեալն արտաքին բարեօք , հիքացաւ մանաւանդ՝ քան երջանկացաւ . և Դիոնէսիոս բռնաւորն Սիրակուսայ թշուառագոյն գտաւ քան զնա :

Եւ արդ՝ իսպառ ծածկեցաւ ՚ի մէնջ երջանկութիւն , զի մինչ ցայս վայր չերևեցաւ ՚ի միջի . դիմեցուցուք սպա առ քրիստոնեայ Աստուածանկատ իմաստասէրս , որք ՚ի դարս Շնորհական օրինաց լուսով հոգւոյն տեսին , և ցուցցեն որոց կամք իցեն գտանել զերջանկութիւն :

Այլ սորա ոչ այլ ինչ իմաստասիրեցին ՚ի նկատման անդ ՚ի գերբնական իրս սակս երջանկութեան հոգւոյն , բայց եթէ զԱստուածաբանական առաքինութիւնս՝ որք շաւիղ չբեղ են առ երջանկութիւն . և զբարոյական առաքինութիւնս , մանաւանդ առաւելագէս զայնոսիկ՝ որք պատգամացան Աստուածորդւոյն . որով առաջնորդին մարդիկ գնալ ՚ի յաւիտեանական անմահութիւն :

Եւ քանզի վերջին վախճան մարդոյ՝ Աստուած է , առ որում հանգուցեալ հողածնի , լինի երանելի . բայց թէ որ զուրկ իցէ Աստուածաբանական և ՚ի բարոյական առաքինութեանց , զհարդ մարթ իցէ նմա առ Աստուած հանգչիլ . քանզի որ ոչ զհաճոյս վերին Տեսչութեան կատարէ , յայտ է թէ զընդդէմն գործէ . և որ զընդդէմն գործէ , զրկի յանմահական կենաց . և որ զրկի յանմահական կենաց , ոչ հանգչի առ Աստուած . ապա որ ոչ զհաճոյս վերին Տեսչութեան կատարէ , ոչ հանգչի առ Աստուած : Ապա ուրեմն , երջանկութիւն հաստատեալ է յառաքինութեան՝ որ հաճոյականն է Աստուածեղէն կամայ :

Աստի արժան է ամենայն բանականի զպատգաւմեալն առ ՚ի Փրկչէն արարածոց զԱստուածաբանական առաքինութիւնս ունել յինքեան . զհաւատասեմ , որ Աստուածապաշտութիւն ասի Աստուածաբանից . զսէր՝ որ առ Արարիչն և առ ընկերն վերաբերի . որոյ ամիոփեալ յերիս տառս միայն՝ զերկին և զերկիր յինքեան պարփակէ . և զյոյս հաստատուն՝ որ ակնունողացն լցուցիչ է բաղձանաց :

Իսկ բարոյական առաքինութիւնք՝ որք յաւէա ՚ի սիրոյ յառաջ բղխին , նոքա իբր պաշար են ուղւոյն երջանկութեան . վասն որոյ ՚ի սէր բովանդակին նոքա : Քանզի ՚ի սիրոյ ծնանին ազգասիրութիւն , եղբայրսիրութիւն , ընկերսիրութիւն , կրօնք , օրէնք , հայրենասիրական գործք , օգնել միմեանց , բարերարել իրերաց , ինամ տանիլ որբոց և այրեաց , ընդ զբազոյ կարօտելոց , բառնալ զտգիտութիւն համազգեսաց , և որ ինչ ՚ի սոցին սակի են առաքինութիւնք :

Ուստի և չէ անդէպ մայր ամենայն առաքինու թեանց կոչել զսէր :

Նա զի և մեծ է զօրութիւն սիրոյն . զի զսիրելին յինքն փոխակերպէ , և զինքն 'ի սիրելին . քանզի ըստ Առաքելոյն , « Աստուած սէր է , և որ կայ 'ի սէր » Աստուած բնակէ , և Աստուած 'ի նմա » : Եւ ըստ իմաստասիրի ումեմն , « Որ զերկիր սիրէ , երկիր լինի . և որ զԱստուած սիրէ , Աստուած լինի » :

Որոյ աղաղաւ և Աստուածասէր սրբոց գիտացեալ՝ եթէ սէր մայր է ամենայն բարեաց , որ միակ ակնարկութեամբ փոխադրէ զքբ 'ի ստորէ՝ 'ի վեր , և փոխակերպէ յանարգէն՝ 'ի պատուականն , յապականացուէն՝ յանմահութիւն , և 'ի մարդկայնոյ՝ Աստուածայինն , փոյթ կալան 'ի կեանս իւրեանց զհաւատն նախամեծար դասեալ , պնդիլ զկնի սիրոյ , և բարերար գտանիլ առ համազգիս . որով զերջանկութիւն հոգւոյն ընկալան :

Յորոց և երկոքին երանելիք և բարերարք Հայկաղանցս սեռի սուրբն Սահակ և Մեսրոպ , Աստուածաբանական առաքինութեամբ պերճացեալ՝ ետուն զանձինս 'ի գործ բարոյական առաքինութեանց . և անդուգական բարեօք ճոխացուցին զորդիս Հայրենեաց . և ինքեանք եղերեալ զահման կենաց իւրեանց , որպէս քերուբ անմարմին մի զմիոյ կնի պացեալ հասին 'ի կայան երջանկութեան , Աստուածավայրն գաւառ . ուր յարազուարճ ցնծութեամբ ընդ լուսերամից զմայլին անմահութեամբ :

Իսկ արդ աստանօր վերջ տամ ճառիս՝ զայս ինչ միայն յարելով 'ի նա . զի եթէ աստուածաբանական

և բարոյական առաքինութեամբք ստացանի երջանկութիւն , ապա վայել է ամենայն մարդոյ բանականի առաւելլուլ 'ի հաւատ , 'ի յոյս և 'ի սէր , և յամենայն առաքինական դործս բարեաց . քանզի և մարդ վասն այնց գայ յաշխարհ , զի 'ի դառնալն յաշխարհէ վայելեացէ զերջանկութիւն յաւիտեանական վայելմամբ :

ԱՇԽԱՏԱՆԻ Բ . ԴԱՍՈՒ

Կոմսս

Դ ԳԻՐ ԲԱՐՍԵՂ

ԶՖրոնայի :



ՃԱՌ Ե .

ՅԱՂԱԳՍ ԲՆԿԵՐԱԿԱՆ ՍԻՐՈՅ

ՊԱՏԿԱՌԵԼԻ ՍՐԲԱԶԱՆ ՀԱՐԲ

Չնաչտարհիկ սիրոյ կայծ իմն եռանդեան 'ի սերկեան աւուրս ախորժ ազգեցութեամբ արծարծեալ 'ի վառարանի հողւոյս, հրաւեր կարդայ նուաստիս ելանել հանդիսանալ յայս ասեան փառաշուք . և փափաքելի աննչանօք զնոյն ինքն զսերն անմահ նիւթ առնուլ բանիցս, և գեղգեղել 'ի լսելիս Ազգասէր Հանդիսականացոյ : Արոյ վասն չ'դանդաղիմ հրաւիրել զսիրախումբ ժողով ուսումնասէր կաճառիդ, 'ի յօժար մտադրութիւն ներկայ ատենաբանութեան իմում զսիրոյ՝ որ է հիմն հաստատութեան աշխարհի :

Արդ՝ աղնուագոյն և գերաստիճան 'ի մարդկային կիրս հողւոյ զսերն գող գիտեմ . որով տիրապէս փառաւորի և աղնուանայ բանականութիւն մեր : Այլ չեք ինչ գերագոյն երջանկութիւն մարդոյ յայսմ աշխարհի՝ քան զննաշխարհիկն զայն անհամեմատ սէր .

որ երինե՛րանդ և լուսափայլ զգեստուք առաքինութեան պայծառացուցեալ առաքէ զմարդիկ մեծաւ հանդիսիւ յանձառահրաչ փառսն յաւիտենական : Քանզի որ ընկերանայ սիրով ընդ ամենեսին, ամենայն բարիք և անհնարինք գիւրին նմա . երջանիկ լինի կեանք նորս . ոչ զոք վշտացուցանէ և ոչ յուժմեքէ վշտանայ . այլ միշտ կայ մնայ յարագուարձ 'ի բերկրանս : Այլ յիրաւի այս ախորժ զգացումն ընկերական սիրոյ, հեղձուցանէ զմասանս ատելութեան, հաստատէ և նորոգէ զգաշն միակամ եղբայրութե, ոչ մի ինչ չարիք հասուցանելով ումեք . զի ըստ Աստուծոյն ընտրութեան, « Սէր ընկերի իւրում չար ոչ առնէ » :

Տեսէք ապա զմեծ զօրութիւն անզուգական սիրոյ . չար ոչ առնէ ատէ, որում հետեւի ատել, զի ամենայն բարիք 'ի սիրոյ յառաջանան, և կարի յիւրաւունս : Քանզի սիրով հաստատին թագուորութիւնք . սիրով բարգաւաճին գիտութիւնք . 'ի սիրոյն արմատոյ վերընծիւղին սառք առաքինութեանց, և սիրով մանաւանդ համայնատարած աշխարհս կայ հաստատուն : Քանզի եթէ չ'գոյր սէր ընկերական, վաղուց աշխարհս 'ի բաց քանդեալ էր, և մարդիկ իբրև զվայրենաբարոյ անասուն թափառական շրջին 'ի լերինս ամայիս, և բնակութիւն նոցա լինէր 'ի քարանձաւս և 'ի մորիս առիւծուց :

Այդպէն սերն է սուրբ յօգակապ' որ հաշտ առնէ և կապակցէ զմարդկան ոգիս ընդ միմեանս . յորմէ ամենայն խորհուրդք բարիք յառաջ ընթանան 'ի կատարելութեան անդր հասանել փախճան : Այլ զի՛նչ

առաւել երջանկութիւն կայցէ մարդոյ քան զայս
 գերադոյն շնորհ՝ զոր սէրն մատակարարէ երկուց
 մտերմագունից, միաւորելով զնոսա ՚ի մի սիրտ՝ հա-
 մամուութեամբ և համակամութեամբ ընդ իրեարոս :
 Սէրն ընկերական՝ զմարդիկ աշակերտս և սիրելիս կա-
 ցուցանէ երկնաւոր Վարդապետին, որ ՚ի սուրբ Աւե-
 տարանի անդ պատուէր տայ Առաքելոցն, թէ « այ-
 սու ծանկցեն զձեզ մարդիկ թէ իմ աշակերտք էք,
 եթէ սիրիցէք զմիմեանս » : Ահա Բրիտոսոյ զսէրն ըն-
 կերական եղ սահման, զի նովաւ մարթասցուք ըզ-
 կնի իւր ընթանալ : Այլ արդարեւ չէ ինչ բարի սէրն,
 այլ յորմէ յառաջագային ամենայն բարիք և երջան-
 կութիւն մարդկան. զի սա է ձիր անմահ, և գլխո-
 վին անմահութիւն պարգևէ խնդրողացն իւրոց. ա-
 հեղ զօրութիւն՝ որ հալածական վարէ զատելութի,
 զնախանձ, զհեռ, զչարակամութիւն, զբամբասանս,
 զծուլութիւն, զբարկութիւն և զամենայն ակտս մո-
 լեկանս՝ որք բնաւորեալ երևին ՚ի նոյն ինքն ՚ի մարդն :
 Շառախղ սիրոյս ՚ի խաղաղութեան կայ արմատա-
 ցեալ. և սիրոյն է գործ խաղաղել զամենայն զհա-
 կառակորդս : Սիրով զԱստուածային բարկութիւնն
 զիջուցանեմք, և ՚ի մեր վերայ ՚ի դուրս ածեմք. քան
 զի Իմաստութիւնն յաւիտենական ՚ի վերին Աթոռոյ
 հայի ՚ի սիրտս արարածոցս, և տեսեալ զսիրոյն կապ
 ընդ միմեանս սերտ ընդ սերտ լծորդեալ անքակտե-
 լի, գորովի և գթայ հայրաբար՝ օգնական լինելով
 մեզ յամենայնի ՚ի նեղութիւնս. որպէս և օգնական
 եղև և զօրացոյց յոյժ զքաջայաղթ մեծ սպարապետն
 մեր՝ զսուրբն Վարդան մամիկոն, և զնիզակակիցս իւր

երանելիս. որք յօժարակամ սիրով դէմ եղին անհը-
 նարին բռնութեանց ամենավատ թշնամեացն հա-
 ւատոյ, զմահ ընտրելով առաւել քան զկեանս, և այր
 զանձն իւր դնելով ՚ի վերայ ընկերին ազատութեան :

Ի՛նչ, զինչ եռանդն ընկերական սիրոյ, և
 զինչ կատարելութիւն համասիրտ և համասորհուրդ
 ընկերակցութեան. զի մինչ ցլետին շունչն արիաբար
 շահատակէին ընդդէմ անօրէն Պարսից : Սեոցուք,
 մեոցուք գոչէին սիրով՝ միչդեռ Եկեղեցիք մեր շէն
 են : Այլ սքանչելի բարբառոյս, սլ անհամեմատ սի-
 րոյս գօրութեան. որով յաղթեցին թշնամեաց, և
 յերկինս ընդ զօրս հրեշտակացն դասեցան, սէրն
 աստ կափոյց զաչս մարմնոյ սրբոցն, և անդ հողւով
 պայծառացոյց : Իսկ եթէ շունչն Երանելիքն զսէր,
 շէին պսակք. եթէ չգոյր սէր, և ոչ մրցանք. եթէ
 ոչ սէր՝ և ոչ բրաբիտն յաղթութեան, ոչ պատիւ
 Երանական և ոչ հանգիստ յաւիտենական :

Այլ դու սլ անձառ Սէր, դու սէր անսահման՝
 որ զհամայնածիրն հաստատութիւն թարթիւ շա-
 փես. սիրոյդ անուշակ, սիրոյդ չքնաղ, անթիւ են
 գործքն հրաշալիք և անհամար. սէրդ մեծ է և յա-
 ւերժ. շնորհ է երկնային և անմահ : Այս էակք
 համբուն զսիրոյս տուք բարբառ. ներդաշնակեցէք
 լերինք բարձրաբերձք զսիրոյն քաղցրութիւն. արիք
 գառնիք հեղահամբոյրք զսէր մայեցէք. արիք ա-
 զունիք և դուք տատրակք սիրարկուք՝ զսէր դեղ-
 գեղել. արի սոխակդ քաղցրաւաչ զսիրոյս կարգս
 հրաւեր. հնչեցէք Կակք համբուն և մի լուէք. օգբ
 զսէր հնչեցէք. զսէր՝ Երկինք, զսէր՝ գու երկիր :

զէր՝ ով բնութիւնդ շնաշխարհիկ : Հնչեան և դու
 և մի լութեր ոգիդ Հայաստանի զսիրոյս հրաւէր . զի
 աս նոյն ինքն սէրն էր , որ վառեաց և բորբոքեաց
 զոգիս լուսանորոգ սրբազան Հայրապետացն մերոց
 Սահակայ և Մեսրոպայ . միաւորեաց ընդ միմեանս
 սերտիւ , և ետ գործել բազում օգտաւէտ արդիւ-
 նքս յիշատակաց արժանիս : Բանգի Միոյն՝ իբր թէս
 արժուոյ ետ սլանալ մտօք յերկնայինն կամար , և ըն-
 դունել մատամբ Արարչին զնշանագիրս գպրութեան
 Հայոց . և Միւսոյն՝ հայրական պաշտպանութեամբ
 հոգալ զԱզգն , և կրթել զմանկունս յուսումն գի-
 տութեան . որովք բարձրացաւ փառքն Հայաստանի
 անդր քան զչափ :

Բանգի ընկերական սիրով սկիզբն արարին Երա-
 նէլիքն ձգել զլայնապատառ արօրն Աստուած գիտու-
 թեան , և ահօտաբեկ արարին զկորդացեալ և զխո-
 պանացեալ երկիր բանական . և արփիափայլ ծաւալ-
 մամբ տարածեցին վարդաճղի զանաղօտ և զանշա-
 մանդալ լոյս Աստուածգիտութեան և իմաստութե-
 ՚ի լայնածաւալ ծիրանածիր դաշտն Այրարատեան ,
 և հայրախնամ սիրով բոցակիղեալ հալեալ սպառե-
 ցին միանգամայն զսառն տգիտութեան , և զա-
 մառնակէզ դաշտորայն հոգւոյն վտակուն զովա-
 ցուցին : Օրոց և մեք այսօր զհանրատենչ յիշա-
 տական մեծաւ հանդիսիւ կատարեմք անկեղծ և յա-
 շիտենական երախտագիտութեամբ :

Երգ՝ եթէ այսքան բարիք և փառք և յաւի-
 տենական երջանկութիւն ՚ի սիրոյ ատօի յառաջա-
 նան , մի երբէք զանդաղեցուք ապա ՚ի գործ ամել

զնորայն զօրութիւն երկնածիր : Տի՛օն մանկունքդ
 Արամեան , եկայք ՚ի հրաւէր սիրոյս . եկայք , միա-
 ցարուք սուրբ յօգիւս սիրոյ . ՚ի խոր քանդակեցէք ՚ի
 տախտակ սրտից ձերոց զսիրոյն անուշակ տպաւու-
 րութիւն . սիրեցէք զԱստուած , սիրեցէք զԱզգն ,
 սիրեցէք զընկերս Ձեր իբրև զանձինս Ձեր . զի և սէրն
 անսահման՝ Աստուածն յաւիտենական սիրեսցէ ըզ-
 Ձեզ հայրական սիրով . և պահպանողական Աջովն
 զերծ պահելով զՁեզ ՚ի կենցաղումս յամենայն վը-
 տանգից և պատահարաց հոգւոյ և մարմնոյ , յետ առ-
 տի վաղանցուկ կենացս տարեալ հասուցցէ ՚ի վերինն
 երուսաղէմ , ՚ի խորանս արդարոց . ուր յարազուարձ
 է ինդութիւն և փառքն անպատում :

ԱՇԱԿԵՐՏ Գ . ԴԱՍՈՒ
 ՆՊԱՍԿ
 ՌԻԱՐԱԿԻՐ ԲԱՐՍԵՂ
 ՊՅԵՆԵ Այաղճալեան :



Example 1

Example 2

$$\begin{array}{r} 100 \\ - 100 \\ \hline 000 \end{array}$$

$$\begin{array}{r} 100 \\ - 100 \\ \hline 000 \end{array}$$

$$\begin{array}{r} 0000 \\ 90 \\ \hline 0090 \\ 110 \\ \hline 0100 \end{array}$$

$$\begin{array}{r} 0000 \\ 90 \\ \hline 0090 \\ 110 \\ \hline 0100 \end{array}$$

$$\begin{array}{r} 0100 \\ 110 \\ \hline 0110 \\ 110 \\ \hline 0100 \end{array}$$

$$\begin{array}{r} 100 \\ - 100 \\ \hline 000 \\ 100 \\ - 100 \\ \hline 000 \\ 100 \\ - 100 \\ \hline 000 \\ 100 \\ - 100 \\ \hline 000 \\ 100 \\ - 100 \\ \hline 000 \end{array}$$

$$\begin{array}{r} 100 \\ - 100 \\ \hline 000 \\ 100 \\ - 100 \\ \hline 000 \end{array}$$

$$\begin{array}{r} 100 \\ - 100 \\ \hline 000 \\ 100 \\ - 100 \\ \hline 000 \end{array}$$

$$\begin{array}{r} 100 \\ - 100 \\ \hline 000 \\ 100 \\ - 100 \\ \hline 000 \end{array}$$

$$\begin{array}{r} 100 \\ - 100 \\ \hline 000 \\ 100 \\ - 100 \\ \hline 000 \end{array}$$

3m



4575-4526

<< Ազգային գրադարան



h.p. NL0031474


<< Ազգային գրադարան



NL0031473


2013

<< Ազգային գրադարան




NL0031472

<< Ազգային գրադարան




NL0031466

<< Ազգային գրադարան




NL0031471

<< Ազգային գրադարան




NL0031465

<< Ազգային գրադարան




NL0031470

<< Ազգային գրադարան




NL0031464

<< Ազգային գրադարան




NL0031475

<< Ազգային գրադարան



NL0031469

<< Ազգային գրադարան



NL0031463

4374 77 80 83
 75 78 81 84
 76 79 82

